



GREENHILL PUBLIC SCHOOL

MULPUI SALEM, AIZAWL, MIZORAM

TRANSFORMING EDUCATION

Issue No. 79

Dated 6th /Oct/2021

October thla thar chibai vek u le. Hripui leng karah Pathian venhimna kan chan avangin lawmthu kan sawi a. Kan $\text{tawngt\text{aisak}}$ reng bawk che u a ni. Khawngaih takin News Letter hi uluk taka chhiar turin nu leh pa, teachers, staff leh zirlaite ka ngen a che.

Greenhill Public School hi zirlaite *Pathian ringtu tha tak* (Committed believer), *khawvel pum huapa Duai lo* (Internationally competent), *Kan hnam nuna a zung nghet taka kaih* (Culturally rooted) ni tura buatsaih tumna (MISSION) nei a din a ni. World class education pe turin kan inbuatsaih mek zel a ni. Tunah hian kan zinkawng kan zawh tan ve chauh a ni. Kum 24th March 2015 khan Board meeting hmasa ber kan nei a, 6th April 2015 khan class kan tan a, tunah chuan kum ruk leh thla ruk zet a upa kan lo ni ve ta. Pathian min hruaina kan thlir letin lawmthu sawi tur tam tak a awm a ni. Chuvangin hei hi LALPA TIH A NI, kan mit ngei in a mak zia kan hmu a ni.

1. **Second Formative Evaluation:** Pathan tanpuina leh hruaina zarah Second formative evaluation kan zo thei a, result pawh kan chhuah thei a, kan lawm hle.
2. **First Summative Evaluation:** Date **8th-12th, November 2021** khian First Summative Evaluation neih a ni ang. Summative Evaluation hi hmanlaia terminal exam ang deuh kha a ni a. Kum tir **a tanga** an zir zawng zawng cover vek tur a ni a, mark 100 a ni ang a: exam marks 80 a pu ang a, life skill in mark 10 a pu ang, Sincerity in mark 10 a pu ang.
3. **My best with God (Ka tih theih sang ber Lalpa nen ka ti ang):** Mihring hlawhtlinna tur a thil pawimawh pakhat ber chu mahni theih tawk a tha thei ang ber (level best) a tih thin hi a ni. Khawvelah kan tluk loh tam tak a awm a, min tluk lo tam tak an awm bawk a. Kan thiante el kher lovin kei man ka tih theih sang ber ka chhuah thin tur a ni. Thiante el hi rilru hrisel taka inelna neih chu a pawl lem lo a ni mai thei. Amaherawhchu, midang itsik leh elrel khawp a inel (compete) a tha lo. Midangah kan buai tur a ni. Pathian rinchhanin ka tih theih sang ber tih ka tum tlat tur a ni.
4. **Nun Thiam(Life Skill):** Nun Thiam (Life Skill) hi sawifiah dan hrang hrang a awm thei awm e. Zirlai bultannaah chuan hetiang hian kan sawifiah thei ang:

- a. Nitina kan zirlaite hman țangkai thiamna a ni.
- b. Tawng dang (English & Hindi) hman thiamna a ni.
- c. Mathematics, Science leh IT te, a taka hman thiamna a ni a. Tunlai changkanna mila inherrem thiamna a ni bawk.
- d. Kan mihringpuite nena nun ho thiamna te, chen ho thiamna te a keng tel a.
- e. Kan thiamna leh finna te mahni a hriat mai a tawk lova, midang hre lote hnena zirtir leh hriattir thiamna hi *Life Skill* chu a ni.
- f. A pawimawh berah chuan, hriatna leh thiamna te thu mai ni lova, a taka hman chhuahtir thiamna hi *Life Skill* chuan a tum a ni.
- g. Life Skill (Nun thiam) lama hmasawn tur chuan mahni inrintawkna (Self-Confidence) neih a pawimawh hle a ni.

India ram sorkar Policy pawimawh tak, The New Education Policy chuan he Nun Dan (Life Skill) hi a ngai pawimawh em em a. Greenhill Public School pawhin, **“Have You”** siamin, zirlaite hnenah a thawn chhuak țhin a. Hei hi zirlaiten Nun Dan an lo zir a, an hlawhtlinpui ngei theihna hmanrua a ni tih hriain, an ngai pawimawh em em tur a ni. Chutiang bawkin nu leh pate pawhin, kan fate lo țhan len zelna turah hian Zirtirtute nen țangrualin theihtawp chhuah ila. Pathian rinchanin Kan theihna sang ber (Level Best) I chhuah thar leh ang u.

5. **Sincerity:** Zirlai tam tak chuan an thiltih - assignment leh exam- te hi rundalah an ti mai mai a ni. Hetiang culture hi kan kalsan a tul a ni. Mihring hlawhtling leh ding chhuak ho reng reng hian an thilith hi an uluk a, tih tak zetin an ti thin a ni. Chuvangin “sincerity” (taihmakna leh ulukna) hian mark 10 a keng tawh ang.

6. **FEE CHHUNG CHANG:**

- (1) **October thla fee** hi ni 15/October/2021 ral hmaa pek tur a ni a. Harsatna nei chuan inthlahrung lovin Director hnenah thlen tur a ni.
- (2) **September thla fee la pe lote chuan** a rang lama pek fel vat tur a ni. Fee pek hi Harsatna nei chuan director hnenah thlen tur a ni.
- (3) **Agust thla leh a hma lam thla fee la pe lote chuan October ni 10 hma in pek tur a ni.** Harsatna nei chuan director hnenah thlen tur a ni. **Harsatna engmah sawi siloa fee pe lote chu assignment kan check sak tawh dawn lova, First summative evaluation pawh an ti thei lovang.**

7. **SCHOOL WEBSITE:** Tunah chuan School App bakah School Website kan siam ta a, www.gps.org.com a ni. Hetah hian result pawh dah a ni.

8. **Online a zir hi duh thu a sam lo, mahse kan tih a țul tlat si a. Chuvangin Note țha tak tak bakah video kan rawn thawn a. Note hi chhiara, videote hi**

play ziah bawk tur a ni. Hetianga zirlaiten ṭhahnemngai taka an zir chuan an thiam em em thei tho a ni.

9. Covid 19 vei kan awm nual a, a theih ang angin in support tawn ila, I tawngtai pui zel ang. ṭawngṭaipui tura kan hriatte kan han tarlang nghal e:

- a) Sir Faka: Tunah hian Home Isolation-in an awm mek a. A nupui leh fanute erawh chu an dam tawh a ni.
- b) Miss Peki pasal chu Trinity Hospital enkawl mek a ni a. Tawngṭaipui an ngai hle.
- c) Miss Tetei chhungte pawh Covid avangin enkawl mek an ni.
- d) Zirlai zingah Home Quarantine pakhat an awm bawk.

Hengte hi kan hriat theihte an ni a. Heng bakah hian midang kan lo awm palh thei a, I in ṭawngṭaipui vek ang u.

10. Tunah hian kan ram a damlo a. Lalpa I au zel ang u.

Theihtawp I chhuah zel ang.
Krista leh kan ram tan.

Shalom.

K.Thanzauva
Director